

SUID-AFRIKAANSE RADIOLIGA

SARLNUUS SONDAG 25 JANUARIE 2004

U luister na amateurradiostasie ZS6SRL van die Suid-Afrikaanse Radioliga, die nasionale vereniging vir amateurradio in Suid-Afrika, met 'n nuusbuletin wat elke Sondag om 08:15 Sentraal Afrika Tyd (SAT) in Afrikaans en om 08:30 SAT in Engels uitgesaai word.

Hierdie bulletin is ook op die webwerf van die SARL by www.sarl.org.za en op pakketbulletinborde beskikbaar.

In die nuus vandag:

IARU VOORSITTER VERWELKOM SARL TERUG

VOORGESTELDE VERANDERINGS IN DIE LISENSIERINGSTRUKTUUR
IN DIE VSA NA WRC03

SOTA-UITSTAPPIE

Bly ingeskakel vir meer besonderhede hieroor en ander nuusitems.

Besoek ook die SARL se webblad of skakel die SARL-kantoor wat vanaf 09:00 tot 13:00 op weksdae oop is by telefoon 011 675-2393 vir inligting oor hoe om by die SARL aan te sluit, boekverkope en alle verwante amateurradio-aangeleenthede.

Die SARLnuusdiens nooi klubs en individue om nuus aangaande amateurradio op die webwerf van die SARL te plaas by www.sarl.org.za/newsinbox.asp nie later nie as die Donderdag wat die bulletin voorafgaan. Indien moontlik doen dit asb in Afrikaans sowel as Engels.

U luister na ZS6SRL en die nuus volg in besonderhede.

IARU VOORSITTER VERWELKOM SARL TERUG

Die SARL het weer gedurende Desember 2003 by die IARU aangesluit. In 'n brief aan die President van die SARL, Graham Hartlett, skryf die Voorsitter van IARU Streek 1: "Dit verskaf groot plesier om die SARL by die IARU terug te verwelkom. Die SARL was in 1925 'n stigterslid van die IARU en as leidende Nasionale Amateurradiovereniging in Afrika is dit ons belangrikste skakel met die Afrikakontinent. Ons was erg bekommerd toe die SARL nie sy weg verlede jaar oopgesien het om langer lid van die IARU te wees nie. Die Uitvoerende Komitee van die IARU Streek 1 en ek vertrou dat die probleme wat die uittrede van die SARL veroorsaak het, uit die weg geruim is en ons sien uit na u ondersteuning van die belangrike take wat die IARU uitvoer vir die voortbestaan van die Amateurradiodiens. U lidmaatskap is vir ons baie belangrik."

Gedurende Oktober het die Suid Afrikaanse Amateurradio Ontwikkelingstrust die IARU-fonds begin met 'n bydrae van R5 000. Hierdie bydrae is gesteun met 'n soortgelyke bydrae van Marpless en met die goedgegunstige ondersteuning van die SARL-lede, is die volle bedrag ingesamel. R11 571 was gedurende Desember

oorbetaal aan die IARU. Die Trust gaan voort met sy fondsinsamelingprojek om sodoende ook die 2004 bydrae te kan bybring.

Op die huidige oomblik staan die fonds op R2 500. Radioamateurs word versoek om hulle bydrae tot die fonds te maak sodat die 2005 betaling gedurende April hierdie jaar oorbetal kan word. Die bankrekening vir inbetaling is SA Amateur Radio Ontwikkelingstrust ABSA rekeningnommer 560 142 722. Die takkode is 335-645. Stuur asseblief 'n e-posboodskap aan die trust by saardt@intekom.co.za met u besonderhede sodat 'n sertifikaat van waardering aan u gepos kan word. U inligting kan ook aan 012 991 5651 gefaks word.

“Ek wil graag almal bedank wat tot die fonds bygedra het”, het Graham Hartlett gesê. “Die SARL waardeer die pogings van die trust om die SARL te ondersteun asook die ondersteuning van die bydraers. Soos wat lidmaatskap van die SARL belangrik is vir die voortgang van Amateurradio in Suid Afrika, is lidmaatskap van die IARU belangrik vir die SARL. Help ons asseblief om die 2004 lidmaatskap te kan betaal.”

VOORGESTELDE VERANDERINGS IN DIE LISENSIËRINGSTRUKTUUR IN DIE VSA NA WRC03

Dit is interessant om kennis te neem hoe ander lande die besluit geneem tydens WRC03 tov. die gemagdigde wegdoen van die Morsekodereëls vir toegang tot die HF-bande hanteer. Die volgende berig is verkort uit die jongste nuusbriëf van die ARRL.

Die ARRL gaan die FCC vra om 'n nuwe toegangsvlak amateurradiolisensie in te stel met HF-foonvoorregte sonder 'n Morsekodetoets. Die liga sal ook voorstel dat alle bestaande gelisensieërdes in drie klasse gekonsolideer word met behoud van die Morsekodereëls, nou 5 wpm. vir die hoogste klas.

Die ARRL se Eerste VisePresident, Joel Harrison, het gesê dat die liga se voorstel " 'n ware toegangsvlaklisensie met HF-voorregte" sal voorsien om groei in die amateurradiodiens te bevorder.

'n Nuwe toegangsvlaklisensieklas, vir die huidige nog "Novice" genoem, sal 'n 25-vrae geskrewe eksamen vereis. Dit sal beperkte voorregte vir HF GG/data en foon/beeld op 80, 40, 15 en 10 m bied sowel as BHF- en UHF-voorregte op 6 en 2 m en op 222 - 225 en 430 - 450 MHz. Kraguitset sal beperk wees tot 100 W op 80 - 15 m en 50 W op 10 m en hoër.

Die ARRL se plan versoek die FCC om die bestaande Gevorderde en Amateur Ekstra klas gelisensieërdes in Amateur Ekstra te konsolideer aangesien die tegniese standaard van die eksamens wat deur hierdie gelisensieërdes baie gelykwaardig is. Nuwe applikante vir die Ekstra klas sal 'n 5 wpm. Morsetoets moet slaag terwyl die geskrewe eksamen dieselfde sal bly.

Die ARRL se lisensieherstruktureringontwerp vra vir geen veranderinge in die voorregte vir die Ekstra en Algemene klas gelisensieërdes op 160, 60, 30, 20,

17 or 12 meter nie. “Novice” gelisenseerdes sal nie toegang tot hierdie bande hê nie.

SOTA-UITSTAPPIE

Luister uit vir 'n klompie Secunda-amateurs wat beoog om 'n stasie vanaf Mariepskop op Saterdag 31 Januarie te werk. Hulle sal van so ongeveer 10:00 op 7,065 MHz en 145,500 MHz aktief wees. Alle kontakte sal waardeur word en vir die tuisblyers is daar ook in die SOTA-program geleentheid vir sertifikate - sien <http://www.qsl.net/sotasa/>

NUWE KOMITEE VIR SAAWA

SAAWA (South African Antique Wireless Association) het onlangs 'n nuwe komitee saamgestel.

Die vorige president, Cliff Smyth, ZS6BOX, wat die transformasie van die “Collins Interest Group” gedurende die afgelope jaar na SAAWA deurgemaak het, het die nuwe komitee aangekondig. Die komitee is as volg:

Bushy Roode, ZS6M, voorheen ZS6YQ van DXCC-faam, is gekies as President vir die jaar 2004. Willem Nel, ZS6ALL sal die netbeheerbeampte wees vir die weeklikse vergaderings wat gehou word op 7070 kHz om 09:00 op Saterdagoggende. Andy Cairns, ZS6ADY, het vrywillig aangebied om as QSL-bestuurder op te tree.

Lidmaatskap van SAAWA is deur deelname omdat geen lidmaatskapsfooie gehef word nie. Almalwat belangstel om ouer kommunikasieapparaat te bewaar, te restoureer of te gebruik, word genooi om by SAAWA aan te sluit.

'n QSL-kaart is beskikbaar en word gestuur en ontvang deur die SARL se QSL-buro, of, vir nie-SARL-lede, deur Andy Cairns, ZS6ADY, Posbus 12320, Benoryn, 1504 tesame met 'n selfgeadresseerde en gefrankeerde koevert. Die QSL-kaart bevat 'n prentjie van 'n mikrofoon en 'n ou radiobuis terwyl 'n morsesleutel die historiese filosofie van SAAWA onderstreep.

Alle amateurs word genooi om aan te sluit by SAAWA-vergaderings op Saterdagoggende wanneer interessante besprekings gehou word en gevolg word deur 'n “Ruilwinkel” van oudhede. AM-stasies sowel as gelykgolfstasies word genooi om seinrapporte te vra.

AKTIWITEITE OM AAN DEEL TE NEEM

Die Afd 5 amateurs se Dxpedisie na Swaziland is nog bedrywig tot Dinsdag die 27ste; U kan ook nog deelneem aan die PEARS BHF/UHF-kompetisie wat vanaand om 18:00 ten einde loop; Saterdag 31 Januarie - kontak die amateurs op die SOTA-uitstappie na Mariepskop; 14 Februarie - Kinderdag.

Die SARL nooi u om Sondae om 10:00 na Amateur Radio Mirror International op 17 815, 9 750 en 7 082 kHz en 145,625 MHz in die Oos Londen-, 145,650 in die Durban-, 145,750 MHz in die Pretoria- en 438,800 MHz in die Sandtongebied

te luister. 'n Heruitsending kan Maandagaande om 21:00 SAT op 3 215 kHz gehoor word. ARMI word deur Telkom en Sentech geborg.

Dit bring ons dan aan die einde van hierdie bulletin wat saamgestel is deur Martin, ZS4ABU, en gelees deur vanuit as 'n diens aan radioamateurs, kortgolfluisteraars en elektronikaentoesiaste.

U het geluister na ZS6SRL en baie dankie dat u by ons aangesluit het. Dankie ook aan diegene wat items vir die bulletins verskaf en aan al die amateurs wat so gereëld die herleidings waarneem.

Hierdie Afrikaanse uitsending eindig nou en SARLNUUS wens u 'n aangename week toe.

Totsiens almal.

/EX